

## SDC komponenta

Trajanje: 01.12.2017 – 30.11.2020

**Projekt Inicijativa mladića – promovisanje zdravijih životnih stilova među mladima u Bosni i Hercegovini osporavanjem rodni stereotipa II ili Inicijativa mladića II (YMI II)** je započeo 01.12.2017. godine i podržan je od strane Vlade Švajcarske, OAK Fondacije, Austrijske razvojne agencije i CARE Njemačka-Luksemburg.

Inicijativa mladića II predstavlja inicijativu CARE International Balkans čiji je dio Perpetuum Mobile – Institut za razvoj mladih i zajednice. Ona predstavlja sveobuhvatne i programske napore u borbi protiv međuljudskog i rodno zasnovanog nasilja (RZN), kao i za poboljšanje rodne ravnopravnosti u Bosni i Hercegovini i za rad na pitanjima prevencije u vezi sa ekstremizmom i nasiljem kod mladih. Perpetuum Mobile će implementirati projekt Inicijativa mladića II u Bosni i Hercegovini sa fokusom na Banja Luku. Ovaj projekt će biti **usmjeren na mlade, naročito na mladiće koji su podložni nasilju i na njihovo antisocijalno ponašanje putem jačanja relevantnih vještina, znanja i stavova koji vode ka poboljšanju ponašanja povezanih sa rodno ravnopravnim normama i nenasiljem.**

Ovaj projekt ima za cilj **povećanje i uključivanje ranijih dostignuća vezanih za implementaciju Programa rodno transformativnih životnih vještina** ili skraćeno **Programa Y**, putem ciljnog zagovaranja i bliske saradnje sa relevantnim zainteresovanim stranama kroz podršku izgradnje pokreta/koalicija kroz razvoj novih saveza koji uključuju roditelje i građane u podržavanju obrazovnih programa za životne vještine usmjerene na rodnu ravnopravnost. Relevantne zainteresovane strane uključuju ministarstva obrazovanja na entitetskim i kantonalnim nivoima, gender agencije, akademske institucije, srednje škole, edukatore, medije i druge relevantne zainteresovane strane.

**Krajnji cilj projekta je da se poveća prihvatanje zdravih, nenasilnih i rodno ravnopravnih životnih stilova kod mladića i djevojaka u Bosni i Hercegovini.**

Perpetuum Mobile će kroz ovaj projekat raditi na **izgradnji kapaciteta omladinskih organizacija** u Bosni i Hercegovini i transferu znanja po pitanju promovisanja zdravijih životnih stilova u borbi protiv međuljudskog i rodno zasnovanog nasilja (RZN), kao i poboljšanje rodne ravnopravnosti. Takođe implementiraće **edukacije u odabranim ciljnim srednjim i osnovnim školama u Banjoj Luci, po novom modelu u kome će izgraditi kapacitete nastavnika/ica i stručno osoblja srednjih i osnovnih škola za implementaciju Program Y**. Uz podršku ovog projekta implementiraće se **kampanje koje ciljaju mlade i odabrane zajednice, u pogledu govora mržnje i promovisanja pozitivnih uloga svih članova zajednice u promovisanju zdravijih životnih stilova, promocije rodno ravnopravnijeg društva i rješavanju problema nasilja, a sve kroz kampanju „Budi Muško“.**